

4. Íocfaidh European Paper Packaging Alliance, an Coimisiún, Ríocht na hÍsiltíre, an Pharlaimint agus an Chomhairle faoi seach a gcostas féin a bhaineann leis na hiarratais ar idiragairt.

(¹) IO C 431, 25.10.2021

Ordú na Cúirte Ginearálta an 22 Meán Fómhair 2022 – Primagran v EUIPO – Primagaz (primagran)

(Cás T-624/21) (¹)

(Trádmharc de chuid an Aontais Eorpaigh – Imeachtaí freasúra – Iarratas ar mharc fiortha de chuid an Aontais Eorpaigh “primagran” – Marc fiortha de chuid an Aontais Eorpaigh “PRIMA” roimhe seo – Forais choibhneasta le diúltú – Dóchúlacht mhearbhaill – Airteagal 8(1)(b) de Rialachán (AE) 2017/1001 – Airteagal 95(1) de Rialachán 2017/1001 – Toirmeasc ar reformatio in pejus – Caingean gan bhunús sa dlí go follasach)

(2022/C 463/66)

Teanga an cháis: an Béarla

Páirtithe

Iarratasóir: Primagran sp. z o.o. (Stegna, an Pholainn) (ionadaí: E. Jaroszyńska-Kozłowska, Dlíodóir)

Cosantóir: Oifig Maoine Intleachtúla an Aontais Eorpaigh (ionadaithe: S. Palmero Cabezas, J. Crespo Carrillo agus V. Ruzek, Gníomhairí)

Páirtí eile sna himeachtaí os comhair Bhord Achomhairc EUIPO, idiragraí os comhair na Cúirte Ginearálta: Compagnie des gaz de pétrole Primagaz (Páras, an Fhrainc) (ionadaí: S. Herrburger, Dlíodóir)

Ábhar

Lena chaingean faoi Airteagal 263 CFAE, iarrann an t-iarratasóir go gcuirfí ar neamhní cinneadh an Cheathrú Bord Achomhairc d'Oifig Maoine Intleachtúla an Aontais Eorpaigh (EUIPO) an 28 Iúil 2021 (Cás R 2486/2020-4).

An chuid oibríochtúil

1. Diúltaítear don chaingean.
2. Ordaítear do Primagran sp. z o.o. a chostais féin a íoc, chomh maith le costais arna dtabhú ag Oifig Maoine Intleachtúla an Aontais Eorpaigh (EUIPO) agus ag Compagnie des gaz de pétrole Primagaz

(¹) IO C 481, 29.11.2021.

Ordú na Cúirte Ginearálta an 20 Deireadh Fómhair 2022 – Callaway v an Coimisiún

(Cás T-653/21) (¹)

(Caingean le haghaidh neamhniú – An comhbheartas talmhaíochta – Catalóg choiteann de chineálacha de speicis plandaí talmhaíochta – Cineálacha plandaí – Táirgeoir den chineál chnáib Finola – Limistéir arna saothrú sa Pholainn – Cineálacha cnáibe atá incháilithe do thacaíocht airgeadais faoi chuimsiú an chomhbheartais talmhaíochta – Cion teitrihidreacannaibionóil (THC) – Údarú arna thabhairt don Pholainn margáíocht chineál Finola a chosc ar a críoch – Easpa cúraim dhíriú – Do-ghlacthacht)

(2022/C 463/67)

Teanga an cháis: an Béarla

Páirtithe

Iarratasóir: James C. Callaway (Kuopio, an Fhionlainn) (ionadaí: P. Hoffman, Dlíodóir)

Cosantóir: An Coimisiún Eorpach (ionadaithe: A. Becker agus F. Castilla Contreras, Gníomhairí)

Ábhar

Lena chaingean atá bunaithe ar Airteagal 263 CFAE, iarrann an t-iarratasóir go gcuirfear ar neamhní Cinneadh Cur Chun Feidhme (AE) 2021/1214 ón gCoimisiún an 22 Iúil 2021 lena gceadaítear do Phoblacht na Polainne margáíocht chineál chnáib Finola a chosc ar a críoch i gcomhréir le Treoir 2002/53/CE ón gComhairle (IO 2021 L 265, lch. 1). Áitíonn sé, freisin, de bhun Airteagal 277 CFAE, pléadálacha neamhdhleathachta i leith Airteagal 32(6) de Rialachán Uimh. 1307/2013 ó Pharlaimint na hEorpa agus ón gComhairle an 17 Nollaig 2013 lena mbunaítear rialacha maidir le híocaíochtaí díreacha le feirmeoirí faoi scéimeanna tacaíochta faoi chuimsiú an chomhbheartais talmhaíochta agus lena n-aisghairtear Rialachán (CE) Uimh. 637/2008 ón gComhairle agus Rialachán (CE) Uimh. 73/2009 ón gComhairle (IO 2013 L 347, lch. 608), agus i leith Airteagal 9(5) de Rialachán Tarmlichte Uimh. 639/2014 ón gCoimisiún an 11 Márta 2014 lena bhforlíontar Rialachán Uimh. 1307/2013 agus lena leasaítear larscríbhinn X den Rialachán sin (IO 2014 L 181, lch. 1).

An chuid oibríochtúil

- 1) Diúltaítear don chaingean toisc í a bheith do-ghlactha.
- 2) Ní gá breith a thabhairt ar iarratais ar idirgairt Chomhairle an Aontais Eorpaigh, Parlaimint na hEorpa agus Phoblacht na Polainne.
- 3) Ordaítear do James C. Callaway a chostais féin a íoc chomh maith le costais an Choimisiúin Eorpaigh.
- 4) Ordaítear don Chomhairle, don Pharlaimint agus do Phoblacht na Polainne a gcostais féin a bhaineann leis na hiarratais ar idirgairt a íoc.

(¹) IO C 24, 17.1.2022.

Ordú na Cúirte Ginearálta an 28 Meán Fómhair 2022 – FC v AUEA

(Cás T-697/21) (¹)

(An tSeirbhís Shibhialta – Foireann shealadach – Nós imeachta araíonachta – Diúltú d'iarratas ar bhac ar nós imeachta araíonachta agus breithiúnais na Cúirte Ginearálta ar feitheamh i gcásanna gaolmhara – Breithiúnais na Cúirte Ginearálta a thabhairt i gcásanna gaolmhara – Cás nach dtéann ar aghaidh chun breithiúnais)

(2022/C 463/68)

Teanga an cháis: an Ghréigis

Páirtithe

Iarratasóir: FC (ionadaithe: V. Christianos, G. Kelepouri agus A. Skoulikis, Dlíodóirí)

Cosantóir: Gníomhaireacht an Aontais Eorpaigh um Thearmann (ionadaithe: P. Eyckmans agus M. Stamatopoulou, Gníomhairí, le cúnaimh ó T. Bontinck, A. Guillerme et L. Burguin, Dlíodóirí)

Ábhar

Lena chaingean faoi Airteagal 20 CFAE, iarrann FC go gcuirfí cinneadh Gníomhaireacht an Aontais Eorpaigh um Thearmann (EUEA) an 25 Iúil 2021 ar neamhní lena diúltaíodh do ghearán FC i gcoinne chinntí EUEA an 24 Feabhra agus an 14 Márta 2021 inar dhiúltaigh Cathaoirleach Bhord Araíonachta don iarratas ar bhac ar an nós imeachta araíonachta a tosaíodh i gcoinne FC.